

云何不雜

答曰不雜四種業故謂佃種販賣事官尊貴
不雜此業淳善功德故名不雜沙門婆羅門
等不能如法說其過者不雜過患不逼切他
人故

如經說比丘當知我聖弟子心無憎愛云何
無憎愛愛名愛恚聖弟子降伏愛恚不爲愛
恚所伏故名無憎愛此經亦說有樂斷樂修
此二有何差別答曰無礙道是樂斷解脫道
是樂修復次見道是樂斷修道是樂修如是
見道修道忍智未知欲知根知根見地修地
說亦如是

阿毗曇毗婆沙論卷第三十二

箴二

輕易下移義反達貌下渠馳驕領反謂曰上音病一揣正作搏解胡谷音園反匿尼力反
昔庶上音甘下音夜反狸猫上力之反販賣上萬方反櫟上直聲反渠躋丘嬌反娛愚縉疾精反喪字弊軟弊祭毗
反闡昌演逼彼力反

阿毗曇毗婆沙論卷第三十三 篓三

迦旃延子造北涼沙門浮陀跋摩共道泰譯

雜捷度思品第八之一

云何爲思云何爲憶乃至廣說如此章及解
章義此中應說優波提舍問曰何故作此論
答曰此二法所行相似卅人見多思者言是
人多憶卅人見多憶者言是人多思今欲說
其體性亦說差別故或有說此二法是一所
以者何聲論者說思之與憶應是一字惟長
一點此是天竺書法爲止如是意欲說差別復有說
者此是心之異名如譬喻者說思之與憶是
心異名更無別體爲止如是說者意欲說思

乙

張

之與憶是心數法各有別體故而作此論
云何爲思答曰思數數思乃至廣說如是等
語盡是說意業名云何爲憶答曰憶數數憶
乃至廣說如是語等盡是說慧別名
思憶有何差別問曰何故復作此論答曰此
二法相似故雖說體性亦應說差別思憶有

何差別耶答曰如經本說思者是業憶者是慧復次所作相是思所知解相是憶復次以思別業以憶故別慧總相別相思之與憶是謂差別

問曰憶若是慧者慧有三種謂聞思修此三體性是何耶答曰從聞生者是聞慧從思生

者是思慧從修生者是修慧復有說者若受持讀誦思惟觀察十二部經是聞慧依此聞慧次生思慧依此思慧次生修慧如依金鉢生金依金生金剛彼亦如是評曰不應作是說如是說者好受持讀誦思惟觀察十二部經是生得慧依生得慧生聞慧依聞慧生思

復有說者聞慧爲三慧作因思慧爲思慧作因不爲聞慧作因以下故不爲修慧作因以界異故修慧與修慧作因不爲聞慧作因以下故不爲思慧作因以界異故復有說者聞慧有三慧果思慧惟有思慧果修慧惟有修慧果

復有說者聞慧現在前惟聞慧修思慧現在前惟思慧修此修是行修非得修性劣不及慧一切時依名解義所以者何行者作是念和上所說有何義修多羅毗尼阿毗曇所說體性乃至廣說

有何義是名聞慧思慧者或時依名解義或時不依名解義修慧者於一切時不依名解

說修

界者聞慧在欲色界思慧在欲界修慧在色無色界問曰欲界中何故無修慧答曰欲界是不定界非離欲地非修地若欲修時便墮思中色界何故無思慧答曰色界是定地修地離欲地若欲思時便墮修中復有說者欲

界中盡有三慧問曰何者是修慧答曰見道邊等智空空三昧無願無願三昧無相無相三昧盡智邊所有善根是也以少故不說色界有二種謂聞修無色界一種謂修復有說者欲界有三種色界有三種無色界有二種謂思修復有說者欲界有三種色界有三種

篇三

無色界有三種評曰不應作是說如初說者好地者聞慧在七地思慧在欲界修慧是有漏在十地無漏九地依者聞慧依欲色界身恩慧依欲界身修慧依三界身行者聞思慧行十六行亦行餘行修慧行十六行亦行餘行問曰若盡行十六行亦行餘行有何差別

答曰聞思慧自力不能未來得修因他力故未來得修修慧自力未來得修緣者俱緣一切法念處者俱是四念處智者聞思慧是等智修慧是十智根者聞修慧與三根相應思慧與喜捨根相應定者聞思慧不與定相應修慧與三定相應亦不與定相應卅者是三

廿法緣三卅者是緣三卅亦緣非卅善不善無記者是善緣善不善無記者是緣三種三界繫者聞慧是欲色界繫思慧是欲界繫修慧是色無色界繫亦是不繫緣三界繫者盡緣三界繫亦緣不繫是學無學非學非無學者聞思慧是非學非無學修慧是三種緣學無學非學非無學者盡緣三種見道斷修道亦不斷緣者聞思慧是修道斷修慧是修道斷亦不斷緣見道修道不斷者盡緣三種緣自身他身非身法者盡緣三種緣名緣義者是緣名義在意地在六識身者盡在意地非五識身爲是生得爲方便者盡是方便

佛有幾聲聞辟支佛有幾答曰佛有三種以

修慧爲名所以者何如來自然成道有力無畏故辟支佛亦有三種以思慧爲名所以者何以內自思惟自然成道故聲聞亦有三種以聞慧爲名所以者何從聞得生諸善功德故復有說者此三慧盡可言是聞慧所以者

何如說多聞能知法乃至廣說亦可言盡是思慧所以者何如經本說思者是業憶者是慧亦可言盡是修慧所以者何如說云何修法答曰有爲善法是世尊亦說三慧所謂言說究竟慧禪定究竟慧出要究竟慧聞慧即是言說究竟慧思慧即是禪定究竟慧修慧

歲三

即是出要究竟慧

云何爲覺云何爲觀乃至廣說問曰何故作此論答曰此二法所行相似世人見多覺者言是人多觀見多觀者言是人多覺今欲說其體性亦說差別故復次譬喻者作如是說覺觀是心之異名爲止如是說者意亦明覺

四

觀是心數法故而作此論
云何爲覺答曰心於緣貫徹種種貫徹乃至廣說如是等語盡顯說覺相云何爲觀答曰若心行緣種種行緣乃至廣說如是等語盡顯說觀相

覺觀有何差別問曰何故復作此論答曰此

二法相似雖說體性亦應說差別覺觀有何差別耶答曰如經本說鹿心是覺細心是觀若作是說明覺觀是心復有說者若心鹿時是覺心細時是觀若作是說明覺觀不在一心中復有說者應作是說心中鹿者是覺細者是觀

問曰云何一心中有鹿細相違法耶

答曰以所作異故可得鹿所作是覺細所作是觀云何鹿以猛利故云何細不猛利故如以針刺身生受覺所作亦尔如以鳥翅根刺身生受觀所作亦尔如一兩鹽和一兩水置之口中鹽生舌識則猛利水生舌識則不猛

歲三

五

利覺所作當知如鹽觀所作當知如水一兩水一兩苦酒喻亦如是法身經亦說如天雷

時聲有鹿細覺所作當知如鹿聲觀所作當知如餘細聲銅鈴銅器出鹿細聲亦如是亦如鳥飛虛空鼓其兩翼當知如覺踊身得去當知如觀若作是說明覺觀不在一心中此

經所說明覺觀在一心中

分別有三種有自體分別有憶念分別有現觀分別自體分別者謂覺是也憶念分別者謂念是也現觀分別者謂慧是也欲界五識身有一種分別謂自體分別雖有念不能憶念雖有慧不能了了現觀意地有三種分別初禪地三識身有一種分別謂自體分別雖有念不能憶念雖有慧不能了了現觀意地不入定時有三種分別入定有二種分別除現觀分別第二第三第四禪不入定時有二種分別除自體分別入定有一種分別謂憶念分別無現觀分別以極定故無色中不入

定心有二種分別除自體分別若入定有一種分別謂憶念分別

云何爲掉云何爲心亂乃至廣說問曰何故作此論答曰此二法相似有人心掉世人言是人心亂有人心亂世人言是人心掉或謂此二法是一今欲決定說其體性亦欲說差別故而作此論

云何爲掉答曰心不休息不寂靜乃至廣說如是等語盡說掉相云何心亂答曰心散不住乃至廣說如是等語盡說心亂相或有說者染污三昧是心亂復有說者染污三昧所不攝餘相應法名心亂評曰不應作是說如前說者好問曰掉與心亂有何差別何故復作此論答曰此二法相似雖說體性亦應說差別掉與心亂有何差別答曰不休息相是掉心不住一緣是心亂復有說者發動定心是掉令心馳散於外是心亂外者謂色聲香味觸掉能

發動定心如泉水初出心亂令心馳散色聲等如水流徧池中如人坐牀一人來挽臂使起一人驅馳令行掉發動定心如挽臂使起心亂令心馳散色等緣中如驅馳令行若掉是心亂耶若心亂是掉耶乃至廣作四句掉非心亂者若心數數行一緣中是也心亂非

掉者若心行多緣中不數數行是也掉亦是心亂者若心行多緣中亦數數行是也非掉非心亂者心行一緣非數數行是也尊者佛陀提婆說曰若心是亂彼亦是掉或有掉非心散心行一緣亦數數行猶如有人行一道中而常馳走彼亦如是

問曰三摩提即心亂耶答曰染污三摩提是心亂如先所說有十大地受乃至慧有十煩惱大地謂不信懈怠亂念心亂無明惡慧不正作觀邪解脫掉放逸此十大地十煩惱大地名有二十體有十五所以者何如受想思觸欲此名有五體亦有五如不信懈怠無明

掉放逸此名有五體亦有五如作觀解脫念定慧若不染污是大地若染污是煩惱大地是以名有十體有五是故十大地十煩惱大體有名二十體有十五復有說者名有二十體有十六所以者何心亂體異定體亦異故若是大地是煩惱大地耶若是煩惱大地是

卷三

七

大地耶乃至廣作四句是大地非煩惱大地者受想思觸欲是也是煩惱大地非大地者不信懈怠無明掉放逸是也是大地亦是煩惱大地者作觀解脫念定慧是也作觀即是邪作觀解脫即是邪解脫念即是亂念定即是心亂慧即是惡慧非大地非煩惱大地者除上余所事若作是說體有十六者是大地非煩惱大地有六受想思觸欲定是煩惱大地非大地有六謂不信懈怠心亂無明掉放逸是大地亦是煩惱大地者作觀解脫念慧若不染污是大地若染污是煩惱大地非大地非煩惱大地者除上余所事評曰不應作

是說如前說者好有十小煩惱大地謂怨嫌
覆很惺嫉詭憍害有十善大地謂信猗進
慚愧不貪不恚不放逸不害捨有五不善大
地謂無明睡掉無慚無愧有三隱沒無記大
地謂無明睡掉有十不隱沒無記大地謂受
乃至恚大地一切心中可得煩惱大地一切

染污心中可得小煩惱大地非一切染污心
中可得所以者何所作各異故若有一則無
二此是修道所斷意地欲界心中可得是故
說小不說大善大地一切善心中可得不善
大地一切不善心中可得隱沒無記大地一
切隱沒無記心中可得不隱沒無記大地一
切不隱沒無記心中可得

有定緣一緣是散亂緣如一比丘緣是法不淨
是散亂行一行非散亂緣一緣行一行是散
亂緣一緣行一行非散亂緣多緣是散亂緣
多緣非散亂行多行是散亂行多行非散亂
緣多緣行多行是散亂緣多緣行多行非散

亂緣一緣是散亂者如一比丘緣是法不淨
思惟於緣中未善習若作青想若作赤汁想
若作爛想若作脹想若作已噉想若作血塗
想若作散想若骨想若瓊想若骨瓊想作如
是觀時其心散亂不作一緣不作一識前定
已失後定不進是名定緣一緣是散亂緣一
緣非散亂者如一比丘緣是法不淨思惟於
緣善習若作青想若赤汁想乃至作骨瓊想
作如是觀時心不散亂作一緣作一識前定
不失能進後定乃至廣說

卷三

八

行一行是散亂行者如一比丘行無常行於
此行不善修習復觀無常復觀須臾復觀前
後不相似復觀前後壞滅作如是觀時其心
散亂前定已失後定不進乃至廣說
行一行非散亂者如一比丘行無常行於此
行善修習復觀無常乃至觀於壞滅作如是
觀時心不散亂前定不失能進後定乃至廣
說緣一緣行一行是散亂者如一比丘觀身

是無常於此觀不善修習復觀此身是無常乃至觀身是壞滅作是觀時其心散亂前定已失後定不進乃至廣說

緣一緣行一行非散亂者如一比丘觀此身無常於此觀善修習復觀此身無常乃至觀身壞滅作是觀時心不散亂不失前定能進

後定乃至廣說

緣多緣是散亂者如一比丘觀身是無常於此觀不善修習復觀於受觀心觀法乃至失於前定不進後定乃至廣說

緣多緣非散亂者如一比丘觀身是無常於此觀善修習復觀受心法乃至不失前定能進

卷三

九

無常於此觀善修習復觀受是苦觀心是空觀法是無我作是觀時心不散亂不失前定能進後定乃至廣說

云何無明云何不智乃至廣說

問曰何故作此論

答曰不解不了是無明不知相是不智或謂

九

此二法是一欲決定說其體相亦欲說差別故而作此論

云何無明答曰如經本說不知三界是也若是說則不攝緣滅道無明使應作是說三

界中無知是也則攝緣滅道無明使云何不

定能進後定乃至廣說
緣多緣行多行是散亂者如一比丘觀身是無常於此觀不善修習復觀受是苦觀心是空觀法是無我作是觀時其心散亂失於前定不進後定乃至廣說

緣多緣行多行非散亂者如一比丘觀身是

耶所以者何不知是染污無巧便慧是染污不染污何以知之如業捷度說諸意惡行盡是無巧便意業耶答言諸意惡行盡是無巧便意業頗有無巧便意業非意惡行耶答曰有隱沒無記意業不隱沒無記無巧便意業是也答曰此文應如是說云何不知答曰染污慧應作是說而不說者有何意耶答曰當知此義有餘云何無巧便不知答曰染污者是非不染污復有說者無巧便二種一者假名二者真實業捷度說於假名此惟說真實如是汝語無巧便慧是不知耶此說是定言不定他言不應說過答曰如是於意云何汝意有如是欲如是說諸知故妄語盡是失念不知有妄語耶答曰如是我有如是意如是欲如是說諸知故妄語盡是失念不知而妄語於意云何有無知故妄語耶答曰不也聽我說汝違言負處故作是說諸知故妄語盡是失念不知而妄語應作是說無知故妄語

篇三

十

不應作是說知故妄語應作是說不知而妄語所以者何從不知生故若不作是說不應言不知是無巧便慧若說有知故妄語不應作是說諸知故妄語盡是失念不知而妄語若是說此事不然答曰雖從不知生而知故妄語非不知故妄語問曰若然者何故言

知故妄語耶答曰知彼事故而相違說是故言知故妄語非不知故妄語復有說者若於大衆中問於彼人知此事不若知言知不知言不知彼人實知而言不知是故言知故妄語復有說者若現前知覺此事時與此事相違說是故言知故妄語復有說者於彼事了了現見而違彼事說是故言知故妄語非不知故妄語若如汝說從不知生故言不知故妄語非知故妄語者妄語不但從不知生乃從多法生謂十大地十煩惱大地受乃至慧不信乃至放逸何故捨如是等法但言不知故妄語於意云何汝有如是欲如是說一切

歲三

十一

無明與不知相應耶答曰如是於意云何諸知故妄語盡是無明愚無明俱失念不知故而妄語耶答曰如是復於意云何有無不知故妄語耶答曰無也聽我說汝違言負處如是汝語知故妄語盡是無明愚無明俱失念不知故而妄語應作是說有無不知妄語不

應但說不知故而妄語亦應說有無明故妄語所以者何從無明生故若不說無明故妄語不應作是說一切無明與不知相應若作是說諸知故妄語盡是無明愚無明俱失念不知故而妄語如汝所說雖從無明生不名無明妄語我亦如是雖從不知生不名不知故妄語然知故名妄語

云何慢云何惱乃至廣說

問曰何故作此論

答曰此二法相似見慢者世人言是人惱見惱者世人言是人慢或謂此二法是一今欲決定說其體性亦欲說差別故而作此論云

何慢於卑謂勝於等謂等因此起慢乃至廣說問曰云何於等謂等而作慢耶答曰猶如有一人誦半阿含餘緣故而更不進更有一人始誦阿含此二後時一齊誦竟而後誦者便起於慢是名於等起慢云何惱我生處勝族姓勝色勝種種勝巧勝財勝端正勝因如是等勝故起惱豪乃至廣說是名惱慢惱有何差別問曰何故復作此論答曰此二法相似雖說體性亦應說其差別惱慢有何差別答曰緣他故自計勝是慢相不緣他自於法中心生染污是惱相問曰惱體性是何答曰或有說者體性是慢問曰若然者惱慢有何差別答曰慢有二種一緣他生二緣自生緣他生者是慢緣自生者是惱復有說者體性是愛所以者何如說自於法中心生染污復有說者有心數法名惱與心相應在意地修道所斷愛後生問曰若然者惱慢有何差別答曰有多差別慢是煩惱惱非煩惱

慢是結縛使惱纏惱非結縛使惱纏是煩惱
垢復有說者慢是見道修道所斷惱是修道
所斷問曰無色界慢見道所斷慢云何緣他
生耶答曰本於此間修行廣布後生彼間以
因力故亦現前行復有說者雖生彼間而不
現行於此間因入定起慢心我於定善他則

不善我能速入他則不能我能久住他則不
能云何見道所斷慢緣他生耶答曰如我見
者聚在一處更相問言汝我有何相耶答言
我我有如是相他人聞已作如是念彼說我
相則不如我因身見後生如是慢復有說者
無始已來常習此法不必因他而生如尊者
阿泥盧頭生如是慢詣尊者舍利弗所作如
是言我以天眼觀千世界不多用功乃至廣
說尊者舍利弗而語之言此是汝慢如此慢
則不因他生然慢多分因他生故言因他生
亦有因自生者
若生增上慢我見苦是苦乃至廣說問曰何

故作此論答曰或有說者慢能緣他界亦緣
無漏爲止如是說者意亦明慢是自界緣緣
有漏故而作此論

若生增上慢我見苦是苦此增上慢何所緣
耶答曰猶如有一親近善知識善知識者謂
佛佛弟子是也從其聞法聞法者聞隨順涅槃

三

十三

槃方便法內正思惟正思惟者謂自修正行
復有說者正思惟者觀生死是過患觀出要
是善利如法修行如法修行者謂次第行法
得於順忍順忍者謂順諦忍也依此四須陀
洹枝故於苦有忍有欲有說依如是等法身
心潤益以是忍力今諸行裏微羸劣於諦轉
明便作是念我見苦見苦不觀故須臾見疑
不行問曰此文應如是說無有正觀故須臾
見疑不行而不說者有何意答曰當知此義
不觀者即是不正觀義須臾見疑不行見者
謂身見戒取疑者即疑西方沙門復作是說
見者是戒取疑即是疑所以者何得忍者身

見不行設有行者亦復不覺所以者何以根
鈍故所行微細不久住故是以不覺復次見
疑行細行者心麤是以不覺復次以五事故
衆生煩惱不行一以定力故二以慧力故三
依善師故四以處所好故五性少煩惱彼煩
惱不行故作如是念我見苦是苦因此起慢

乃至廣說問曰此增上慢何緣耶答曰緣苦
能生增上慢者是順諦忍緣集生增上慢亦
如是若生增上慢我見滅是滅此增上慢何
緣猶如有一親近善知識廣說如上乃至我
見滅是滅因此起慢乃至廣說問曰此增上
慢何緣答曰即緣彼心心數法能生增上慢
忍者若作是說則止慢緣無漏者意亦非他
界緣亦非無緣若生增上慢我見道是道此
中應廣說如滅問曰此慢爲是欲界爲是色
界耶若是欲界者此慢緣忍欲界無忍善根
若是色界者離欲者可尔未離欲者云何可
爾答曰或有說者應作是說是色界慢所以

者何彼慢緣順諦忍欲界中無順諦忍問曰
若然者離欲者可尔未離欲者云何答曰經
本所說明離欲者復有說者未離欲者亦能
起此慢所以者何依未來禪與根本禪相似
故評曰不應作是說如前說者如復有說者
是欲色界問曰色界者可尔所以者何緣彼
忍故欲界者云何可尔彼慢不能緣忍自界
緣故答曰欲界中雖無忍有與忍相似善根
爲慢所緣所以者何欲界中盡有一切善根
種子故以欲界中有忍相似善根故慢亦能
緣若生增上慢我生已盡乃至廣說此增上
慢何緣乃至廣說問曰此增上慢前所說者
卷三十四

有何差別答曰或有說者先所說者是凡夫
增上慢後所說者是凡夫聖人增上慢如凡
夫聖人見諦不見諦得果不得果得正決定
不得正決定住決定聚住不決定聚住正決定
不住正定當知亦如是復有說先所說者因
見道生後所說者因修道生復有說者先所

起慢有所因後所起慢無所因復有說者前者是欲色界後者是三界若生增上慢我生已盡此何緣答曰猶如有一作是念此道此迹我依此道依此迹乃至廣說此道者隨其處作道想此道迹者隨其處作道迹想生已盡者隨其處作生想問曰此增上慢何緣耶

答曰緣生隨彼善根能生增上慢者是生梵行已立說亦如是乃至此增上慢何緣答曰即緣彼能生慢心心數法梵行已立者阿羅漢於學道名梵行已立於無學道名今立所作已辦者猶如有一作是念此道此迹乃至所作已辦我已斷煩惱已害使已吐結已制

歲三

五

伏纏如是等語盡明斷義文雖種種而無異義所以者何若斷煩惱即是斷害使吐結制伏於纏問曰此增上慢何緣耶答曰即緣能生增上慢心心數法

若生增上慢我更不受有乃至廣說問曰何故復作此論答曰前說是因時解脫增上慢

今說是因不時解脫增上慢前說是因盡智增上慢今說是因無生智增上慢故而作此論此增上慢何緣答曰即緣能生增上慢者凡夫能起五種增上慢一於善根二於須陀洹三於斯陀含四於阿那含五於阿羅漢須陀洹起三種斯陀含起二種阿那含起一

種阿羅漢無慢復有說者聖人亦起果間增上慢如須陀洹於斯陀含中起慢斯陀含於阿那含向中起慢阿那含於阿羅漢向中起慢諸起色界增上慢者要得彼根本地能起彼地增上慢所以者何彼地煩惱屬彼地故若不得根本地不能起彼地煩惱復有說者未至法亦有似根本地若得彼地者亦能起彼地慢評曰不應作是說如前說者好云何卑而起慢乃至廣說問曰何故作此論答曰慢法自高卑他此慢自卑高他或謂此非是慢今欲決定說其慢故而作此論云何卑而起慢猶如有人一見他勝若生處

種姓色工業財富田宅見他是事作是念彼

少勝我不如彼謂生處乃至田宅然彼不如

他非百倍千倍生處者有四種謂刹利婆羅

門毗舍首陀姓者有四種一婆蹉二憍蹉三
舍持羅四婆羅蹉闍亦更有餘姓一怯尼迦
夷那二舍茶蛇尼那三拘茶蛇尼那色者謂

白紅赤黑種者謂父種母種工者謂彩畫等
業者於工巧中得利勝財富者謂色聲香味
觸及其具田宅者謂居業是也見他有如是
等事作是念彼少勝我我少不如彼色等及
至田宅然彼非百倍千倍而彼言一倍二倍
勝我我一倍二倍不如彼便自高卑他而起
於慢

十六末

阿毗曇毗婆沙論卷第三十三

歲三

金鉢下與鑲同俱猛下施胡懶下施反猶下施掉下施反
亦作恨力蹉七何蹉在和反 瑣鎖二同蘇羸劣果反

阿毗曇毗婆沙論卷第三十四

歲四

迦旃延造北涼沙門浮陀跋摩共道泰譯

雜捷度思品之二

有七慢一慢二過慢三慢過慢四我慢五增
上慢六卑慢七邪慢問曰此慢幾見道斷幾
修道斷答曰三修道斷謂過慢慢過慢增上

慢餘見道修道斷復有說者二見道斷謂我
慢邪慢餘是見道修道斷復有說者一是修
道斷謂增上慢二是見道斷謂我慢邪慢餘
四見道修道斷復有說者盡是見道修道斷
問曰若然者云何我慢邪慢修道斷耶答曰
身見緣五種斷法計苦諦所斷法是我於此

後生我慢乃至計修道所斷是我於此後生
我慢是名我慢修道所斷云何修道斷邪慢
答曰邪見緣五種所斷法邪見謗苦諦所斷
法言無於此後生邪慢乃至謗修道所斷法
言無於此後生慢是名修道斷於邪慢問曰
七慢幾在欲界幾在色無色界耶答曰或有